




SESOTHO – Heart Guide

PELO EA MOTHO !

“Ke tla le nea pelo e ncha, ke kenye moea o mocha ka hare ho lona” *Ezekiele 36:26,27*

Ha u bala pampits’ana ena ’me u ithuta lits’oants’o tsa eona, u tla ba le hona ho bona pelo ea hao. Lumella leseli la Molimo ho u supisa boemo ba pelo ea hao. Lumela libe tsa hao ’me ho se ke ha ba le khanyetso ka bo teng ba tsona, hobane Lentsoe la Molimo le re bolella hore “ha re re ha re na sebe, rea ithetsa ’me ’nete ha e eo ho rona, empa ha re ipolela libe tsa rona, Molimo oa ts’epheha ’me o lokile ho re ts’oarella libe tsa rona le ho re hlatsoa makhopo a rona” *1 Johane 1:8,9*.

U busoa ke Satane kapa ke Molimo; u lekhoba la sebe kapa mohlanka oa Molimo. Haeba sebe se busa bophelo ba hao, u se ke ua latola, empa u lle ho Molimo. O tla u lokolla ka Jesu Kreste ea tlleng lefats’eng lena ho tla pholosa baetsalibe, ho roba matla a Satane le sebe ho rona. Ke Eena poloko ea rona. U na le Molimo o halalelang o bonang makunutu ’ohle, maikutlo a patiloeng le liketso tsa bophelo ba hao. “Hobane mahlo a oona a talimile mekhoha ea batho bohle, ’me o bona metsamao ea bona kaofela. Ka hoo ha “ho lefifi, ha ho moriti o Mots’o, moo ba sebetsang bokhopo ba ka ipatang teng” *Jobo 34:21,22*.



SETS’OANTS’O SA PELE re bona hore, “Pelo e mano e bo-lile hampe, e ka tsejoa ke mang?” *Jeremia 17:9*. . . . Se tsoang ho motho ke sona se silafatsang motho. Hobane kahare, pelong tsa batho ke moo ho tsoang mehopollo e mebe, le mafebe, le lipoko, le lipolao le likutso, le takatso ea leru, le lonya, le thetso le bohloa, le mahlo a talimang hampe, le linyefolo, le boikhohomoso le bohlan-nya, — Manyala ao ’ohle a tsoa kahare, ’me ke ’ona a silafatsang motho. *Mareka 7:20, 23*.

PIKOKO e bua ka sebe sa boikhohomoso, ho hloka boitshoaro, lipoko, bohloa. **PUDI** e tshoantsha ditakatso tsa nama, boitshoaro bo bobo, bofebe le bohloa. **FARIKI** e bolela sebe sa botaoa le meharo. **KHULU** e bolela sebe sa botsoa le tieho le boloi. **LENGAU** ke phoofolo e tshabehang e sehlooho ’me e bolela lehloeo; khalefo le pelo e mpe. **NOHA** e bolela mona. **SEHOAHOANA** se tsoantsa sebe sa bokhonatha le lerato la chelete e leng motso oa libe tsohle. *1 Timothea 6:10*. **SATANE** ke nta’ta bohle ba leshano le oa bohle ba etsang leshano

Yohanne 8:44. **NALELI** ke letsoalo pelong ea motho e mong le e mong. Mona letsoalo lena le silafalitsoe ke sebe. **LEIHLO** la Molimo le bona ntho e ’ngoe le e ’ngoe e etsahalang pelong. Ha ho letho le ka patehang mahlong a Hae a chachametsang ka hohle. **MALEMENYANA A MOLLO** a potileng pelo a eme sebakeng sa lerato la Molimo la pota-potileng pelo e tletseng bobo. **LENGELOI** le emetse Lentsoe la Molimo. **LEEBA** le emetse Moea o Halalelang.

SETS’OANTS’O SA BOBELI se bonts’a **PELO E BAKANG** e qalang ho batla Molimo. Mona o qala ho ela seli Molaetsa oa Mo-limo, ’me o bula pelo ea hae ho e bulela lerato la Molimo. Moea o Halalelang o khanya ka hare, ’me leseli la Molimo lea kena ’me le tsebela lefifi lohle. Lengeloi le ts’oere sabole, e leng Lentsoe la Molimo, “le matla ’me le bohale ho fetisa lisabole tse






leolitsoeng ka 'ng'a tse peli" lea hlaba, le eo kena le likhaohanong tsa pelo le tsa moea" *Ba-Heberu 4:12*. "Ntlhatsoe bokhopo ba ka, u mphekole sebe sa ka". Bopa ka ho 'na pelo e hloekileng oho Molimo, u boele u lokise ka hare ho 'na moea o hloekileng" *Lipesalema 51:2-10*.

SETS'OANTS'O SA BORARO se re bonts'a boemo ba pelo ea **MOETSALIBE EA BAKANG** ka sebele. Joale o bona boholo le ho ts'abeha ha libe tsa hae tse ngata e leng tseo Jesu a shoeleng sefapanong ka baka la tsona. O sisinngoa ke seo a se utloang pelong bonts'abeho le kutlo-bohloko, eo a e utloang ka lebaka la libe tsa hae tse ngata. "Jehova o haufi le ba pelo tse robhileng, o thusa ba meea e tetelitsoeng *Lipesalema 51:17* "Mali a Jesu Kreste, Mora oa Molimo, a hatsoa libe tsohle" *I Johanne 1:7-9*. "Empa eo ke tla mo talima ke ea hlomohileng ea robhileng pelo, le ea thothometsoang ke lentsoe la ka." *Esaija 66:2*. "E ka re ha u bolela ka molomo oa hao hobane Jesu ke Morena 'me u lumela pelong ea hao hobane Molimo o mo tsoitse bafung, u tla bolokeha". *Ba-Roma 10:9*.


SETS'OANTS'O SA BONE se bua ka Mokreste ea fumaneng khotso ea 'nete le pholoho ka sehlabelo sa Morena oa rona e leng Molopolli Jesu Kreste, 'me ka lebaka leo ha a ithorise ka

ntho e 'ngoe e sele "ha e se ka sefapano sa Morena oa rona Jesu Kreste, eo ka Eena lefats'e le thakhisitsoeng ka 'ng'eng ea ka le 'na ke thakhisitsoeng ka 'ng'eng ea lefats'e" *Ba-Galata 6:14*. Jesu o shoeleng sefapanong e le hore le rona re tle "re shoe ka 'ng'eng ea sebe 'me re tle re phelele ho loka" *1 Petrosose 2:24*. Re laeloa hore, re "Tsamaee ka Moea 'me re se ke ra kholisa litakatso tsa nama" *Ba-Galata 5:16,25*. Ke ba bangata ba bitsoang Bakreste ba rapelang likerekeng, ba jang selallo sa Morena, ba binang lipina tsa Molimo, leha ho le joalo ka mesebesti ea bona e mebe, ka makhetlo, ba ntse ba thakhisa Morena oa bona bocha *Baheberu 6:6*. Mona hape re fumana mokotlana oa chelete oa Judase, ea ileng a eka Morena Jesu 'me a mo rekisa lichelete tse mashome a mararo tsa silefera. Le bona, liketane le tse joalo li ile tsa sebelisoa ke masole a ileng a nka Jesu e le mots'oaruoa bosiu. Litaese, tseo hangata li sebelisoang ha ho bechelo, li ile tsa sebelisoa ke masole ha ba laola liaparo tsa Hae. *Lipesalema 22:18*. Ba ile ba nka tsohle ho Jesu, empa ha e le Eena ba mo lahla, ba re, "Ha re batle monna enoa a re buse".

Ka lerumo, masole a mo hlaba lehlakoreng le pelong "Me kapele ha tsoa mali le metsi". *Johanne 19:33-37*. "Ka mokhoa o



joalo, le lona le ke le bale hore le shoele ka 'ngeng ea sebe, le hore le phelela Molimo ka Jesu Kreste Morena oa rona. 'Me joale sebe se se ke sa busa 'meleng ea lona e shoang." *Ba-Roma 6:11, 12*. Hobane le shoele, 'me bophelo ba lona bo patiloe le Kreste ho Molimo *Ba-Kolose 3:3*.



SETS'OANTS'O SA BOHLANO se supa **PELO E HLOE-KISITOENG LE E HALALELITSOENG** ea moetsalibe ea pholositsoeng ka mohau o moholo oa Molimo. Pelo ena e fetohile tempele ea 'nete ea Molimo, e leng moo Molimo o ahileng, Ntate Mora le Moea o Halalelang, ho latela ts'episo ea Morena Jesu Kreste "E ka re ha motho a nthata, o tla boloka lentsoe la ka, Ntate o tla mo rata, 'me re tla tla ho eena, re ahe ho eena." *Johanne 14:23*.

Sebakeng sa hore e be pelo eo ke setulo sa lits'ila tsohle, pelo joale e fetohile ntho e ntle, e bea litholoana tsa Moea, tse kang tsa thabo, khotso, mosa, boitsoaro le tse ling tse thabisang pel'a Molimo le pel'a batho *Ba-Galata 5:22, 23*.

Sets'oantsong sena hape re hlokomela lengeloi le boela le hlaha Mangeloi a ea khethoa ho tla tsamaisa ba tla ja lefa la bophelo bo sa feleng, 'me a lalla ho pota ba tsabang Molimo *Lipesalema 34:7*

Satane le Eena o eme haufinyane le pelo joaleka ha a laetse ho fumana sebaka sa ho kena hape pelong e leng lehaeng la hae la pele. Ka lebaka leo re eletsoa ho lula re lebetse, 'me re rapela, hobane "sera sa rona, diabolose, o ntse a solla joaleka tau e purumang e batlang eo e ka mo harolang." *1 Petrose 5:8*. "Ana ha le tsebe hobane le tempele ea Molimo le hoba Moea oa Molimo o ahile ka ho lona!" *1 Ba-Kor. 3:16, 6:19, 20*.

SETS'OANTS'O SA BOTSELELA ke se soabisang e leng **MOKOENIHI**. Leihlo la hae le leng le qala ho koaleha, e leng ponts'o ea hore o qala ho bata le ho robala bophelong ba hae ba Bokreste, ha leihlo le leng le ntse le qamaka tsa tsela e hlabisang lihlong, le etsa lerato la lefats'e. Lerato le kahare le qala ho fifala, 'me liponts'o pelong ea hae, tse neng li supa boikemisetso ba ho utloa bohloko le Kreste, ha li sa tiile. O se a potiloe ke meleko ea lefatse eo a ntseng a e amohela sebakeng sa ho e hanela. Leha e ntse e je motho ea eang kerekeng, katlas'a ho ipata bo-lefatse ba hae tebejong ea kereke, lerato la Molimo le se le bala pelong ea hae. Najeli e ka pelong ea hae, letsoalo e se e le lefifi. Sefapano ha se sa jeroe ka thabo empa se se fetohile moroalo o sa amoheloeng 'Falimehang, le rapele, hore le se kene molekong; hobane moea o ma-



folo-folo, empa nama eona ea fokola," *Matt. 26:41*. "'Me ea loki-leng o tla phela ka tumelo, empa e ka re ha a koeneha moea oa ka ha o khahlisoa ke eena". *Ba-Heberu 10:38*. "Elelloang mosali oa Lota" *Luka 17:32*.


SETS'OANTS'O SA BOSUPA se hlahisa boemo ba **PELO EA MOTHO OA MOKOENIHI** hore e itse hoba ka nako e 'ngoe a chabeloe ke leseli a ba a paka ka mpho ea leholimo a etsoa setho se nang le kabelo ea Moea o Halalelang *Baheberu 6:4*. Empa joale o oele. Motho ea thathafatsang pelo ea hae ha Molimo o mo tlela, o tla tsoela pele ka bobele hoja a ntse a sataletse joalo ho hana ho thea botho ba hae bocha. Ha e le tabeng ea Mokoenehi, Jesu ka sebele o hlalositse boemo ba hae, ha a ne a re, "Moea o lit-sila ha o tsoile ho motho, o ea lithoteng tse cheleng o batle phomolo, ha o e hlokile, o re, "A nke ke khutlele ntlong ea ka eo ke tsoileng ho eona. Ha o fihla o e fumane e hloekisitsoe e le ntle. O ee o tlohe o late meea e meng e supileng e o fetang ka bolotsana e be joale e ea kena ea aha teng, 'me joale mesebetsi ea motho eo ea morao e fetise ea pele ka bobele. *Luka 11:24-26*. 'Empa ba hlahetsoe ke taba ea sets'oants'o sa 'nete se reng, Ntja e khutletse mahlatseng a eona, 'me kolobe, hobane e hlatsuoe, e boetse e ipitikile seretseng."



2 Petrose 2:22. Na e be sets'oants'o seo se ka amana le boemo ba pelo ea hao motsoalle ea ratehang, lla ho Molimo ntle le ho tikatiko, u lle ka pelo eohle ea hao. "O na le hona ho pholosa ka ho fetisisa" *Baheberu 7:25*. "Kajeno ha le utloa lentsoe la oona le se ke la thathafata lipelo tsa lona" *Ba-Heb. 4:7*. "Motho ea ntseng a khalemeloa hangata, 'me a satalatsa molala, o tla robaha hang-hang ho se sehlare. *Liproverbia 29:1*.

SETS'OANTS'O SA BOROBELI se supa **PELO E LESI-SITHEHO KAPA EA MOETSALIBE EA THATA** ea lebileng lefu. Lefu (e leng masapo) le tla ka nako eo le sa lebelloang le eo le sa hlokahaleng. Thabo tse thatsang tsa sebe li fetile joale, 'me lintho tse mpe tsa sebele tsa hae le moputso o tsabehang oa sebe joale li talimane le motho enoa. Mats'oenyeha le bots'abehe ba lihele joale li ahlametse motho eo oa tsona. Leha a nyoretsoe ho rapela o fumana hore a ke ke a tseba ho etsa joalo hore a ka kopana le Molimo eo lerato la oona a le tloisiteng mahlo holimo ka nako e telele. "Moputso oa sebe ke lefu" *Ba-Roma 6:23*. "Ke ntho e ts'abehang ho oela matsohong a Molimo o phelang" *Ba-Heberu 10:31*. "Joale ha a le ng'along ea bafu a lelala holimo a lutse bohlokong." *Luka 16:19-31*





SETS'OANTS'O SA BOROBONG se emetse **MOKRESTE EA TISETSANG 'ME EA HLOLANG** liteko tse ts'abehang. Ha a lekoa ka hohle, o ema a tiile 'me a tiisetsa ho isa qetellong, o matla ho feta ea mo loants'ang ka Jesu Kreste. Satane le makhotla a hae o pota-potile pelo e lumelang o leka ho khelosa ngoana oa Molimo. Motho ea tsoeng khalase ea veine ka letsoho le leng, o tants'a a potaka Mokreste a leka ho mo leka ka thabo tsa lefats'e. Leha ho le joalo, teko ea hae e hloka matla, Mokresteng ea halalelitsoeng, hobane a thakhisitsoe le Kreste sebeng le lefatseng.

NALELI eo e leng letsoalo la hae e hlakile e ea khanya. **MOKOTLA O BULEHILENG OA CHELETE** o supa hore pelo ea hae ha ea bulehela Molimo e le eona feela, empa le chelete ea hae e tlotlisong ea Molimo. **LOFO EA BOHOBE** le **HLAPI** li bolela, hore o phela bophelo bo hloekileng le ba boits'oaro. Ha a its'ilafatse ka lino tse tahang.

BUKA E BUTSOENG e tiisa hore Bible ke buka e bulehileng ho eena oa e bala o ithuta eona kamehla. "Ke mang ea tla re arohanya le lerato la Kreste na? Na a ke botubo kapa tsietsi, kapa hloriso kapa lerumo? Empa nthong tseo tsohle re hlola ka ho fetisisa ka ea re ratileng" *Ba-Roma 8:35-37*. "E mong le e mong ea lulang ho Eena ha a etse sebe" *I Johanne 3:6-10*. "Hobane hohle ho tsoetsoeng ke Molimo ho hlola lefatse, 'me hlolo e hlotseng lefatse ke tumelo ea rona". *I Johanne 5:4, 5*. "Che! Empa nthong tseo tsohle, re hlola ka ho fetisisa ka ea re ratileng." *Ba-Roma 8:37*.

SETS'OANT'ONG SA LESHOME re bona motho ea phe-tseng 'me a tsamaea le Molimo ha a ts'abe lefu. Ha nako ea ho tloha ha hae e fihla, o tla tsamaea ka thabo, joaleka ha Moapostola Pauluse a bolela, "Ke na le takatso ea ho tloha le ho ba le Kreste, hobane ke hona ho nang le molemo ka ho fetisisa" *Ba-Filippi 1:23*. "Meaho e mengata ka tlung ea Ntate, ke tla boela ke tle 'me ke le nkele ho 'na hore moo ke leng teng le lona le eo ba teng". *Johanne 14:1-4*. "Ke tseo leihlo le sa kang la li bona, tseo tsebe e sa kang ea li utloa, tse sa kang tsa itlhahela pelong ea motho. Empa Molimo o li lokiselitse ba o ratang" *1 Ba-Kor. 2:9*. "Ho lehloholo bafu ba shoelang moreneng, Moea o re: E, hobane ba ea phomola mesebetsing ea bona, 'me mesebetsi ea bona e tla ba latela". *Ts'eno 14:13*. "Ke hantle mohlanka ea molemo, ea khobane, kena thabong ea morena oa hao". *Matheu 25:21*.

A re rapeleng:

Oho Molimo ke tla ho uena ka pelo ea ka e khopo e thata. Nke ke ka e fetola. Nka pelo ea ka e ntse e le joalo. Bopa ka ho 'na pelo e hloekileng oho Molimo. E tlatse ka Moea oa hao o Halalelang le ka lerato. Amen.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated. **Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.**

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For free Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS
P.O. Box 2191, PRETORIA, 0001, R.S.A.

(A Gospel Literature Mission financed by donations)
 (Reg. No. 1961/001798/08)